

越縵堂日記

第三十九冊

荀學齋日記下集下

光緒八年壬午十月十六日己巳晴餘如春

江西同年郭子鈞庶常名

賡平來

同鄉袁慶麟來

得子鎮是月五日武昌書言今年於越

中舊肆得唐慧琳大藏音義一百卷內包四部所引古籍甚簡孫開如馬

以吾諸公輯倉頡篇任幼植輯字林皆未及見子鎮於其中又輯得許君

淮南注五十餘條又韓詩五六十條皆在臧拜經輯本之外洵可寶也前年楊

惺吾自日本寄書言彼國有此書其序謂周顯德時中土已佚得之契丹今予

鎮所得不知何時刻本阮文達四庫未收書元應一切經提要謂宋高僧傳云唐

釋慧琳撰大藏音義一百卷今久不傳是異書之出固有時矣 夜月甚佳

十七日庚午澹晴敬雲有風仍不寒

曾祖考忌日上午供饋特臆

一四肴六豆菜肴兩豆果羹一膾羹大餅一時果四盤柿一大盤饅頭一大盤蓮子湯一巡酒四巡飯再巡茗飲再巡哺後畢事

作片敘數大

作書致光甫俱約晚飯

得楊正甫同年書贈常熟三陶文集一部徽

墨八挺至山白芽茶兩瓶樂二十枚作書復謝橋使三千

光甫來以近

刻邵無恙夢餘詩鈔見詒無恙名騁吾邑龍尾山人乾隆

舉人知江蘇

桃源阜甯等縣以事落職歸邵氏世以詩名余家舊有無恙名媛雜詠自

皇城至明泰良玉詩皆七絕各有小序寫刻精工詩亦甚佳經亂失之其集向

未刻有手鈔八卷在其門人常山梁

鐵

所梁以嘉慶戊午舉人官諸暨縣丞

至咸豐癸丑梁年已八十以集付天津張鶴賓至光緒丁丑天津沈兆洪始

刻為兩卷共五百五十餘首以乾隆間越人更五朝而刻於燕沽文字之傳

固有數也其詩秀朗多情至諸亦鄉邦風雅所系故蘭述之 教夫

來借留小飲以今日後翁生日故與鄉人酬酢一危存故事也夜談至二

更後散 得供饋錢三千千付康平康平長班直衣資各二千康平同年于良新禮部身經縣丁縣
悴分撥各一于康辰同年王徽禮部母喪志銳為常伯母喪憐分撥各一千二百

郊鈔

上諭刑部奏請飭將要案人證迅速送部等語河南盜犯胡體安臨刑呼冤一案

前經諭令李鶴年將人證卷宗解交刑部研鞫現在尚未解到著該撫懷遵前

旨派員安速解部毋稍遲延

去春坊左贊善楊頤升左中允

丁巳辛未晴午將後教霽大風下午稍止 閱三陶文集三陶若常熟

陶元淳字子師 康熙戊辰進士官廣東昌化縣知縣 及其子貞一字汝之 本字駿文晚號退菴康熙
壬辰進士官翰林院編修 正清字

穉衷

號晚開雍正庚戌進士官太常寺卿

也凡子師先生文集四卷南崖集四卷南崖集者其令昌

化曰官私文書也退菴先生集二卷上卷雜文下卷墓邑先民傳略及自叙晚間

先生集十卷又補錄一卷三陶皆粹然君子學有本原其文真實和平而詞藻

斐然抑揚往復俱共廬陵為近南崖集所言民情利弊洞悉豪髮殷請命

切於家事循吏用心令人觀感退菴集中有讀易偶識四十三則讀漢書雜

說四十則皆平情析理之言明史紀傳論十三首乃其修明史時案本亦臨實可

翫 嚴六裕來言將往大梁依陳六舟

十九日壬申晴午有風

沈子培來

魯芝友來

閱陶晚間先生集

晚間晚年得第深悲世變故其文剴切多裨實用第二卷經史說摺子九

篇乾隆初翰奏所進者皆推經義以言時事反覆詳盡侃侃有古大臣風

第三卷周官辨偽駁舉桐城方氏載師虞人文劉歆竄入之說條而駁之
極為明哲詩說二十五條雖不甚依序傳亦多任凡之舉而涵泳經文出之婉
婉多切於國政世變全譙山氏比之范逸齋嚴華谷不虛也春秋說七十八條
體段亦如詩說而所得較多論班史八條頗不滿孟堅不如其兄退菴所得
之深而文甚條暢議官制三事極言郡守之權當重道員之官可省佐貳
當冬舉其職經歷照磨等當以代幕賓使自相辟召而以名聞銓部視守
令之殿最而黜陟之皆鑿鑿可行第四卷明史張居正傳及衛青張璠等
傳贊皆史館擬稿第五卷靖海侯施襄壯公等傳凡篇亦國史擬稿其
體例與今稍異太常年十九從其父之昌化任以縣有浮糧銀六百兩妻請上官
不能卒及太常為御史具疏言之竟得請以九卿歸田至課讀自給孝思清節

奚媿古人觀其自序可謂有始有卒者矣此集為正甫從兄貴池縣知縣同

福所刻去年冬始刊成惜於子師晚聞兩集有所刪削不能無恨耳

子師法十二
四尤可惜

鬻頭

郎鈔

上給事中張觀準奏兩淮鹽務疲敝請飭釐定條款御史李映奏准北增引

並加詳審及皖岸增引量予轉旋各摺片著戶部議奏

觀準所請云事曰裁運商總
曰酌核帶銷曰體恤寬丁曰

慎重出納曰整飭紀綱曰刪減餘文昧言准北向以百引為一號每號票價銀四百餘兩今商人厚德昌等
請增復准北十六萬三千八百引現繳銀三十二萬六千三百三十六兩今每票僅銀二百兩較舊商票價不及
半且向日奏銷期限八閱月兩年計運三綱今展奏銷為一年則兩年僅運兩綱是名為增引實未增課也
請按舊價每號四百兩就現繳銀數計之僅可增八萬引又言皖岸增復四萬二千八百五十引伊序等八
商現繳銀三十五萬七千一百六十兩開皖岸歲引六萬二千兩年銷未及額今復驟增四萬餘引必至新舊俱疲請
按左宗棠原定每引銀三十兩之數准新加一萬二千引云云張等皆山西人聞鹽商出納多主玉晉商故開通臺練以操奇贏耳

敬秋大臣世襲

公阿那洪阿奏病難速痊請開差使及世職公爵

許之

二十日祭西晴

鐵香來

陳伯平來

奕殊來

寫單約介唐

殷夫書至光甫煉田松甫諸君明日為消寒第二集

族姪自保定寄來三

妹夏中所致燕窩一匣詩舫弟所致茶葉酸脯

為怕姪改課執兩首即作

書致詩舫致三妹夜作片說殷夫交酒案附去

廖紫舟集有陸烈婦傳

云烈婦會稽人年十五歸同邑王廷祐廷祐父之臣為廣東某縣尉結褵未及旬

烈婦隨其姑歸會稽凡十有餘年之臣為新會縣尉烈婦復至粵而廷祐已久

病瘵烈婦割股肉以進廷祐旋卒烈婦裹刃自裁家人謹防之忽一日與侍婢

陽爭博歡笑至夜四鼓伺婢熟寢手書絕命詞一紙藏襟帶間有及早相

從歸地下免教人喚來云人之句遂自經死時年二十七烈婦性聰敏讀書識章

句大義喜吟詠嘗楷書內則一卷自傲尤工續事方廷祐已就斃烈婦於靈

前含淚撫廷祐像并寫己照與廷祐側面相對坐極肖又數屬人寬為殯宮
及烈婦永雙棺並厝焉烈婦母趙惟育烈婦一人苦節二十餘年與其姑及
祖姑三世以節聞此事吾鄉郡縣志皆不載所當垂采以光鉞紐者也 夜
閱陶退菴虞邑先民傳略 書玉饋饅頭塢崔福使四千

二十一日甲戌晴

閱凌曉樓禮論攷辨精哲卓然鄭學千城惟大夫士

無主一篇必中許鄭而駁徐邈元澤之說則非也

下午出門答拜郭子鈞

楊正甫楊國璋

陳伯平晤子鈞哺後詣周若丈談晚詣聚寶堂介唐諾

君已至招霞芬玉僊在雲月杯酒皆人歡不覺醉甚夜一更後介唐更邀飲

霞芬家更招諸郎送餉賭勝至四鼓歸

付車錢十千酒係賞五千客車一千
霞車二千

邸鈔

上錄馮譽驥奏陝西延榆綏道佛爾恭頌識見庸闇遇事疑惑難勝邊陲
要缺著開缺送部引見

二十二日己亥晴上午薄霧大風午後稍止晴更晴

作書致荅翁

作書致漢紫泉作片致光甫俱得復

為鐵香誤二六松堂文集序 夜

為慈裕董慎夫舍人所誤其父伴雲通奉家傳

即鈔

上諭前據詹事府少詹事周德潤奏參江西巡撫李文敏昏庸溺職信用私人劣
著寄款當諭令左宗棠確查茲據該督詳查具奏所參各節或查無確據或
事屬有因李文敏精力就衰受人蒙惑著以原品休致署江西鹽法道候補道喬
廷樞著利鑽營行同市儈布政使經歷楊震清詣附達迎有玷仕籍著一併革

職撫署幕友高隆譙著勒令回籍不准逗留知縣孟慶雲高隆謙官聲中平

尚無實在劣迹均著停委察看

以前湖北巡撫潘蔚為江西巡撫

上諭王文韶奏請開缺養親一摺王文韶之母雖年踰八旬精神尚健且迎養在

京該侍郎可就近侍奉王文韶著毋庸開缺假滿後仍遵前旨照常入直

陝西榆林府知府張岳年并分巡延榆綏道

二十三日丙子晨及上午霽下午晴 作片致鐵香并還廖紫舟文集

作者致秋田屬轉交董氏家傳得復 作書致丙子并寄麗菱黎

素作書致三妹并黎素馬雙俱託酒客附去 伯晚詣鐵香談晚詣汝

翼談夜歸 仙洲夫人饋通州蜜酒漬筍尖及蝦稿使二千 付若錄史於宣三年

二十四日丁丑晴

閱凌氏禮論其駁金輔之氏禮箋陰厭陽厭之說不特為

鄭注功臣亦足深明禮意金氏謂陰厭陽厭因陰重陽重而名不得通於成人之祭凌氏謂陰重陽重即因陰厭陽厭而名真破的之論至成人之祭尸饗之後必前陰厭陽厭若孝子求神非一處之道尤名言也 下午詣敦夫談晤介唐晚歸

郎鈔予告刑部尚書桑春榮卒遽遺摺

春榮字子春一字柏僑宛平籍浙之定陰桑南鄉人道光三年進士

上諭

桑春榮著成練達品學兼優由翰林御史游陽封圻擢按正卿在刑部十有餘年

先

盡厥職茲聞遽逝悼惜殊深加恩照尚書例賜卹伊孫附生桑宗賞給主事分部

學習

行走刑部員外郎桑寶賞給郎中

桑春榮旋予諡文恪

上諭

王文韶奏滙陳下摺一摺覽其所奏各情本應俯如所請惟現在軍機處及總

理

各國事務衙門辦事需人王文韶尚稱熟悉著即遵前旨於假滿後照常入直

毋得再行讀請

先是子孫若庶子孫佩綸奏請勅令王文韶回籍養親前列文韶中外歷官貪鄙不職亟宜其子慶鈞與僕從交游輕佻狂妄橫行都下文韶之母年踰八十目見不肖子孫在

官無狀當必厭然不樂文韶亦何以自安請援乾隆中

命尚書梁詩正回京侍父故事飭文韶奉母歸里以保全之且言文韶之退有三善雲南報銷之案牽涉文韶令辰政府則承當者皆有所顧望去之則巨案必破斯國法

仲矣軍政柄治忽所關因有一文韶之貪婪而雲南納賄逆牽及景康天下將視政府為穢地去之則具瞻允到斯朝廷尊矣 皇太后聖躬未痊康復比以樞臣屢被入言故連日視朝憂勞庶政文韶自問亦復何顏去之則政

本漸清斯 聖躬豫矣詞甚激切然後兩事一為景尚書解釋近於迎合一為東朝使勤近於揣摩實非所當言也其疏不登鈔余從友人傳說得之其措詞未必能如此親切耳數言文韶請假十餘日滿還乞養親今再奉 溫諭矣

翰林院編修朱文鏡授陝西榆林府知府

二十五日戊寅晴

讀禮經釋例

梁星海來

濮紫泉送還梅卿六

月間所寄千金

作片致光甫還票缺三十千又致敦夫還十八千比日窘甚

負責如牛毛矣

陳氏女昏期彌月饋以禮合六事

鐵香來夜同赴梁

星海之招圍鑪小飲星海年少有才飛騰得意字謂余輩今再讀書十年當

不至此也見南海方氏新刻北宋穆參軍柳河東尹河南三先生集頗工整可

喜三鼓歸

蔡松甫約廿九日消寒第三集

二十六日丁丑晴

得爽琳書以新刻高陶堂遺集屬閱陶堂名心愛字

伯足號碧湄湖口人咸豐庚申進士 朝考以詩出韵置四等歸班先以己未會

試中式 覆試詩亦出韵置四等停 殿試一科其出韵皆在十三元湖南人王闓

運謝以詩云平生雙四等詠亦十三元京師以為口實久館故尚書肅順家肅清

之厚庚申

殿試肅方究權張甚必欲為得狀元詢之曰子昔素使何時可完

高曰中自間可至日肅屬監試王大臣於五點鐘悉收卷以工書者必遲未訖則

違例而高可必實第一矣然高卷竟未完於是不滿卷者至百餘人概置三甲

而仁和鍾雨人學士素不能書自分必三甲若竟擢狀元說者以為有天道焉然

高實名士文學為江右之冠己未庚申兩榜中人罕能及之若後為令於江蘇兩

署吳縣知縣無政聲其後任也在康辰冬嘗斷一富人買妾事謀信市魁誣

為它姓逃妾致妾及其母皆縊死富人傷之亦自縊巡撫吳元炳將嚴劾會以憂去

高遂病去心二年卒吳中刻其遺集為南堂志微錄古今體詩五卷陶堂遺文二卷

增恒誦七十四章漢碑執一卷詩文皆樸儉漢魏六朝取境頗高而炫奇標采罕所

真得自謂最喜淵明詩故號陶堂然其詩絕不相似大氏取法於近人劉中甫魏

默深龔定菴諸家而學問才力皆遠遜然思若詞報務絕恒踪文采亦足相濟

固近日之卓然者矣恒誦著述其家世之作漢碑錄者取孔宙韓勅史晨三碑字

集為七言楹帖五百聯取大元謹於嬰執語名曰三漢碑執以執為古仇字也繼又

取孔韓二碑陰字集五百聯名為執倭雖近遊戲亦典雅可觀 孺初來爽味

來久談雷共午飯後去 閱禮經釋例 付銅子鳥錢三千明年新絲錢一千三百

邸鈔

翰林院侍講學士錢桂森轉侍讀學士以左春坊左庶子溫紹棠為侍講學士

二十七日庚辰午正三刻之分大雪十一月節晴大風哺散霽

鐵香來

閱高陶堂遺文其文亦多樸近儒張畊文氏而學力更遼不逮佳者可仿惠皇甫持正孫可之下者遂墮小說文僅三十一首如灌園記代理江蘇嘉定縣知縣劉君墓志銘其佳者也次則貞烈蕭宜人祝文許氏玉芝園記丁徵君書庫抱殘圖記詞意已不免稍雜石鍾山銘銘辭工而序之文亦稍雜然此六首固可傳矣灌園記為山陰傅懷祖作又有灌園先生集序皆極推重之余嘗見劉彥清履芬紅襟閣駢文一彙首刻傅所與一書論駢文甚有名理陶聖志徵錄亦有傳序輿特可喜又嘗於人扇頭見其在詩數首亦不落庸俗聞其人必布衣老於幕

府吾鄉之畸士也代理嘉定知縣劉君即秀清江山人由戶部主事改江蘇同

知升知府己丑秋代理嘉定縣一夕忽以翦自斷其咽或遠近駭之其駢文學洪北

江亦時之能手玉芝園為許仙坪作書庫圖為杭人丁丙作 對門鄭氏子

周晔饋以桃饅 印結局送來是月公費銀十九兩五錢 陶心雲自越

來畱之夜飯茲邀教夫小飲談至一更後歸是夕嚴寒始圍爐 夜讀

禮經釋例風不止四更後益燥 付更夫度銀十千

二十八日辛巳晴風嚴寒 作書致爽咏還高陶堂集論其得失處得復

作書與從子維垣維新保定旅館更維垣名曰孝友字叔翰維新名曰孝堃字

季朗諸子少貧失學今遠客保定就習刑名窮冬返寒深為可念故為制名

字勸其勉力且招其近臘入都來寓度年 閱禮經釋例此書條綜冊